

UPUTSTVO ZA POPUNJAVANJE GODIŠNJEG IZVJEŠTAJA O PODIZANJU I GAJENJU ŠUMA - ŠUM - 41

Izveštaj se popunjava godišnje.

Za državne šume izvještaj popunjavaju preduzeća/poduzeća, zadruge ili druge organizacije kojima su šume date na upravljanje i gazdovanje/gospodarenje, bez obzira da li im je gazdovanje/gospodarenje šumama osnovna/temeljna djelatnost ili nije. Za državne šume koje su pod neposrednom upravom općine, izvještaj popunjava organ nadležan za šumarstvo u općini.

Za privatne šume izvještaj popunjava organ nadležan za šumarstvo. Za privatne šume koje su predate preduzećima/poduzećima ili drugim organizacijama, izvještaj popunjavaju ta preduzeća/poduzeća ili organizacije.

Izveštajne jedinice sastavljaju poseban izvještaj za svaku općinu i svaku kategoriju vlasništva na posebnom obrascu.

Istraživanje ima za cilj da prikaže radove na podizanju i gajenju šuma (vještačko pošumljavanje, njega i melioracije)

Tabela 1. Vještačko pošumljavanje

“**Vještačko pošumljavanje**” je sadnja šumskih sadnica ili sjetva šumskog sjemena na golom zemljištu u cilju ponovnog uspostavljanja šume na tom zemljištu na kojem je šuma bila pa je čistom sječom posječena (sjecišta), odnosno, u cilju da se šuma podigne na zemljištu na kojem nije bila.

“**Sjecište**” je površina na kojoj je postojeća šuma posječena čistom sječom sa ciljem da se na njoj prirodnim ili vještačkim putem šuma ponovo uspostavi.

“**Ostale površine**” u šumi su sve druge površine u šumi, osim sjecišta, na kojima pošumljavanje ne predstavlja povećanje šumskog fonda, već kao i kod sjecišta prostu reprodukciju šuma.

“**Krš i golet**” su slabo produktivna zemljišta obrasla oskudnom vegetacijom ili bez nje.

“**Živi pijesak**” je pjeskovito zemljište čiji je pijesak u pokretu ili je privremeno smiren drugim kulturama koje treba zamijeniti šumom.

“**Slatine**” su zaslanjeno, slabo produktivno zemljište, koje se može koristiti uz jače agrotehničke mjere ili pošumljavanjem.

“**Erodirano zemljište**” je ono sa kojeg je razornim djelovanjem vode ili vjetra djelimično ili potpuno odnesen plodni sloj zemljišta i vegetacije, pa je osiromašeno i nepodesno za gajenje poljoprivrednih kultura.

“**Poljoprivredno zemljište**” se koristi u poljoprivredi, ali zbog niske produktivnosti, plavljenja i drugih razloga koristi se za podizanje šuma - pošumljavanje.

“**Ostalo zemljište**” izvan šuma predstavlja sve druge površine na kojima nije postojala šuma i čije pošumljavanje predstavlja povećanje šumskog fonda - proširenu reprodukciju.

“**Klasične sadnice**” su sadnice proizvedene na klasičan način sa nezaštićenim korjenovim sistemom.

“**Kontejnerske sadnice**” su proizvedene na savremen/suvremen način sa zaštićenim korjenovim sistemom/sustavom i mogu se saditi i u toku perioda vegetacije.

Kod “pošumljavanja” iskazuje se cijela površina na kojoj je izvršeno pošumljavanje, a kod “popunjavanja” iskazuje se reducirana površina tj. površina onih dijelova na kojim je vršeno popunjavanje neuspjelog pošumljavanja.

Podaci o sadnom i sjetvenom materijalu iskazuju se na osnovu/temelju dokumentacije o utrošku, a površina kod pošumljavanja iskazuje se na osnovu/temelju izvršenog premjera. Površine ostalih radova ili se premjeravaju ili se daju na osnovu/temelju knjigovodstvene evidencije.

Broj utrošenih sadnica se iskazuje u hiljadama/tisućama komada, količine utrošenog sjemena u kg, a površine u cijelim hektarima.

Tabela 2. Njega i melioracija visokih i izdanačkih šuma i

Tabela 3. Melioracije ostalih kategorija šuma

“**Njega podmlatka**” obuhvata zaštitu i popunu podmlatka.

“**Prorjeda i čišćenje**” su redovne sječe koje se provode u cilju njega visokih jednodobnih i izdanačkih šuma od najranije mladosti do sječne zrelosti u manjim ili većim vremenskim razmacima, zavisno od vrste drveća, obrasta, sklopa, starosti, zdravstvenog stanja i drugih uslova sa ciljem/svrhom da se obezbijedi razvoj kvalitativno najboljih stabala u genetskom i tehničkom pogledu.

“**Obogaćivanje šuma**” četinarima/četinjačama ili plemenitim lišćarima/listačama je unošenje četinarara/četinjača ili plemenitih lišćara/listača u postojeće šume u cilju/svrhu povećanja njihove ekonomske vrijednosti.

“**Njega zemljišta**” obuhvata odvodnjavanje, navodnjavanje i pripremu zemljišta za prirodno podmlađivanje, odnosno za vještačko pošumljavanje (sjetvom sjemena ili sadnjom sadnica).

“**Konverzija**” je zamjena tipa gajenja šuma - pretvaranje izdanačkih šuma u visoke.

“**Resurekcija**” je meliorativna mjera kojom se šikare sječom stabilaca na panj ili čep pretvaraju u niske šume.

“**Supstitucija**” je totalna zamjena vrste drveća unošenjem četinarara/četinjača ili lišćara/listača.

“**Rekonstrukcija**” je zamjena tipa gajenja i istovremeno zamjena vrste drveća.

NAPOMENE

--

